

ՄԻՋԱԳԵՏՔԻ ՀՆԱԳՈՒՅՆ ԷԹՆԻԿԱԿԱՆ ԱՆՎԱՆՈՒՄՆԵՐԻ ՍՏՈՒԳԱԲԱՆՈՒԹՅԱՆ
ՇՈՒՐՁ

ՂԱՐԱԳՅՈՁՅԱՆ Ա. Հ.

Միջագետքը մեկն է այն տարածաշրջաններից, որտեղ հին դարերում տեղի են ունեցել ազգացեղային տարբեր խմբավորումների տեղաշարժեր, ձևավորվել են հնագույն ստրկատիրական հասարակություններն ու պետությունները, ծագել քաղաքակրթական օջախները, որոնք մեծ ազդեցություն են գործել ողջ հին աշխարհի քաղաքական, տնտեսական և մշակութային պատմության վրա¹։ Մակայն առ այսօր դեռևս մեկնաբանված չեն տարածաշրջանում բնակություն հաստատած ազգացեղային խմբերի անվանումները, որոնց ստուգաբանությունը հնարավորություն կընձեռեր նոր փաստերի հիման վրա քննել տարածաշրջանի պատմության բազմաթիվ հարցեր։

Վերին Միջագետքի (Միջագետք Հայոց) տարածաշրջանը մինչև մ.թ. 37 թ. Մեծ Հայքի թագավորության մաս է կազմել, որի սահմանների մեջ ընդգրկվել են Տուր-Արդին (Ծավդեք) և Արվաստան գավառները՝ Մծբին կենտրոնով, ինչպես նաև պատմական Ասորեստանի զգալի մասը։ Ըստ հայոց ազգային ավանդության՝ Արամ նահապետը “...զմեծ մասն դաշտացն Ասորեստանի կալաւ ի ծառայութեան հարկի... բազում ժամանակս”²։ Մեկ այլ հաղորդման համաձայն՝ “Եւ քանզի զարեւելեանն և զհարաւայինն նուա-ճեալ, յանձնեալ էր ի ձեռն երկուց ցեղիցս այսոցիկ, սիսակեանցն զարեւելս, և որք ի Կադմեայ տանէն՝ զԱսորեստանին ոչ ինչ այնուհետև կասկած շփոթից ուստեք ունէր”³։

Ըստ Փավստոս Բուզանդի՝ “Միջագետք Հայոց”-ի Անգեղ տուն գավառը “Ոստան Հայոցն” էր վաղ ժամանակներում⁴։

Երկրամասում հայերից բացի բնակվել են նաև այլ ազգացեղային խմբեր։ Մ.թ.ա. VII դ. Ամիդի մոտ բնակություն էին հաստատել իրանական թափառական ավարառուներ, որոնք աստուրական արձանագրություններում հիշատակվում են որպես *uman manda* (“մանդա” - մարդիկ, ժողովուրդ, բազմություն)⁵։ Հայտնի է նաև, որ Տիգրիսի վերնագավառի լեռնային շրջաններում խոսում էին խուրիերենի բարբառներով, իսկ

¹ *Տե՛ս Կ. Բ. Բեկաթյան, 1955, թ. 139.*

² *Տարածաշրջանի խոշոր քաղաքն էր Ամիդը։ Նշանավոր ամրոցներն էին Բնաբեղը և Մարդե բերդը (Երեմյան Ս., Հայաստանը ըստ “Աշխարհացոյց”-ի, Ե., 1963, էջ 71)։*

³ *Մովսէս Խորենացի, Պատմութիւն հայոց, Քննական բնագիրը և ներածութիւնը Մ. Աբեղեանի եւ Ս. Յարութիւնեանի, Ե., 1991, էջ 45։*

⁴ *Նույն տեղում, էջ 46։*

⁵ *Տե՛ս Փավստոսի Բուզանդացու Պատմութիւն Հայոց, Ե., 1987, էջ 324։*

⁶ *Տե՛ս Ղափանցյան Գ., Հայոց լեզվի պատմություն, Հին շրջան, Ե., 1961, էջ 45-46, Գավուրջյան Ս., Ուսումնասիրություններ հայոց հնագույն պատմության, Ե., 2010, էջ 18։*

Հայաստանի հարավային մասում պաշտամունքի առարկա էր երկնքի, անձրևի և ամպրոպի խուռիական աստված *Santa*-ն: Դիցանունը հայերենում պահպանվել է որպես հասարակ անուն՝ շանթ՝:

Ուռիան ժամանակին եղել է խուռիների պետության կարևոր կենտրոններից մեկը, որը կառուցողներին Փավստոս Բուզանդը համարել է հայերի նախնիներ⁸:

Ճանապարհը, որը կապում էր Էլամը և Աքքադը Ասորիքի, իսկ այնուհետև Պաղեստինի ու Եգիպտոսի հետ, կարևոր նշանակություն ուներ Միջագետքի համար: Այն ընթանում էր Տիգրիսով դեպի վեր, մինչև Եփրատի մեծ աղեղի անցումները, որոնք Միջագետքը բաժանում էին Ասորիքից: Մյուս ճանապարհը, որը Բաբելոնից Եփրատով տանում էր դեպի Ասորիք, անցնում էր Ասորեստանի սահմաններից մոտավորապես 200 կմ հեռավորության վրա: Մեկ այլ առևտրական կարևոր ճանապարհ, որը գալիս էր Փոքր Ասիայից և Հայաստանից, անցնում էր Ասորեստանի միջով և միանում Բաբելոնից Ասորիք տանող արևելյան ճանապարհին⁹: Քաղաքները, որոնք հետագայում կազմեցին ասսուրական պետության միջուկը (Աշշուր, Նինվե, Արբելա և այլն), մինչև մ.թ.ա. XV դ. միասնական քաղաքական և նույնիսկ էթնիկական ամբողջություն չէին ներկայացնում: Մ.թ.ա. XVI-XVդդ. դրանք կախվածություն ունեին Բաբելոնի¹⁰ և Միտանիի թագավորներից: Մ.թ.ա. III հազ. շումերական տեքստերն այդ տարածաշրջանն անվանում էին Սու բիր, իսկ մ.թ.ա. III-II հազ. արքայական տեքստերը՝ Սուբարտու կամ Շուբար-տու: Այդ պատճառով տեղական բնակչությանն անվանում էին սուբարեցիներ կամ շուբարեցիներ: Հետազոտողների մեծ մասը գտնում է, որ դա շումերա-արքայական անվանումն է այն ցեղերի, որոնք իրենց կոչում էին խուռիներ¹¹: Ըստ մեկ այլ վարկածի՝ տարածաշրջանի բնակչության խուռիներ անվանումը տրվել է խեթերի, իսկ սուբարիները՝ ասորեստանցիների¹² կողմից:

⁷ Ղափանցյան Գ., նշվ. աշխ., էջ 120-121:

⁸ Գավուրջյան Մ., նշվ. աշխ., էջ 102, 190:

⁹ *St u Всемирная история*, т. I, с. 312.

¹⁰ Մ.թ.ա. XVIII դ. կեսերին կասիտական ցեղերը, Իրանական բարձրավանդակից մուտք գործելով Միջագետք, հաստատվում են Եփրատ և Խաբուր գետերի ջրա-խառնվելու շրջանում՝ Խանա երկրում: Մինչև մ.թ.ա. XII դ. նրանք իշխել են Բաբելոնում (տե՛ս Ավետիսյան Հ., Հայկական լեռնաշխարհի և Հյուսիսային Միջագետքի պետական կազմավորումների քաղաքական պատմությունը մ.թ.ա. XVII- IX դդ. Ե., 2002, էջ 54): Կասիտ էթնիկական անունը բաղկացած է կաս (=լեռ) բառից (Ղարազյոզյան Ա., Պատմաաշխարհագրական ուսումնասիրություններ, Ե., 2015, էջ 54) և իտ տեղանիշ ածանցից. արտահայտում է լեռնաբնակ իմաստը:

¹¹ *История древнего мира. Древний Восток, Минск, 1999, с. 311. Խեթերեն, արքադերեն և խուռիերեն սեպագիր արձանագրություններում խուռիների երկիրը հիշատակվում է Միտանի, Խուռի և Նահրայնա անուններով (Ավետիսյան Հ., նշվ. աշխ., էջ 24-28):*

¹² Հակոբյան Թ., Հայաստանի պատմական աշխարհագրություն, Ե., 1968, էջ 60:

Հիշատակելի է, որ շումերերեն *Su-bir4/ Subar* նշանակել է “ջրի ավին գտնվող երկիր”¹³։ Հետևաբար, սուբարիներ կամ շուբարիներ անվանումն արտահայտել է “ջրի ((գետի) ավին բնակվող մարդիկ կամ ժողովուրդ” իմաստը։ Ըստ արքայական արձանագրությունների՝ սուբարիները եղել են սպիտակամաշկ և շիկահեր¹⁴։ Այնինչ “արձանագրություններում այսպիսի որակումներ չեն տրվել խուրրիներին”¹⁵։

Ռաս Շամրայում հայտնաբերված ուզարիտյան մի սեպագիր արձանագրության մեջ միաժամանակ և միասին հիշատակվել են *Hri* (Խուռի), *Hti* (Խաթի) և *Sbr* (շուբարի) ցեղային անվանումները։ Այս փաստը հիմք է դարձել եզրակացնելու, որ խուռիները և սուբարիները տարբեր ժողովուրդներ են։ Մասնագետներից ոմանք, հիմք ընդունելով սուբարիների և խուռիների մասին կարծիքները, *Sbr* (շուբարի) տարբերակի մեջ տեսնում են ասորեստանցիներին¹⁶։

Սուբարի էթնիկական անվան առաջացումն ըստ էության պայմանավորված էր աշխարհագրական գործոնով։ Այդ անվամբ ընկալելի են ոչ միայն Հյուսիսային Միջագետքում հաստատված խուռիները, այլև Միջագետքի տարածաշրջանում բնակվող մյուս ազգա-ցեղային խմբերը։ Նեղ իմաստով՝ այդ էթնիկական անունը վերաբերում է ասսուրական աղբյուրների Կադմուխի երկրամասի բնակիչներին։ Ըստ հայոց հնագույն ավանդության՝ հայերի նախնի Հայկ նահապետը Արարադի երկիրը որպես բաժնեկալվածք նվիրել էր իր թոռ Կադմուսին՝ Արամանյակի որդուն¹⁷։ Ժամանակին նշվել է, որ “Կադմոս անվան իրական կապը այս երկրամասի հետ ամրապնդվում է այն հանգամանքով, որ Կորդուքի անմիջական հարևանությամբ՝ Տիգրիսի մյուս մասում (մասամբ և այս) ավին, տարածվում էր ասսուրական աղբյուրների Կադմուխի երկիրը”¹⁸։ Նկատենք նաև, որ Կադմուխի երկրանվան հայկական տարբերակն է Ծաւղեք¹⁹ (<Ծաւղեք)։

¹³ Ղարազդոզյան Ա., Հայոց հնագույն պատմության հարցեր, Ե., 2015, էջ 7։

¹⁴ Գավուքչյան Մ., նշվ. աշխ., էջ 7։

¹⁵ Նույն տեղում։

¹⁶ Նույն տեղում, էջ 272-273։

¹⁷ Տե՛ս Մովսիսի Խորենացու Պատմութիւն հայոց, Թիֆլիս, 1913, էջ 33, 113։

¹⁸ Տե՛ս Մարգարյան Գ., Մովսես Խորենացու “Հայոց պատմությունը” և սեպագրական աղբյուրները (Պատմա-բանասիրական հանդես, 1992, N 2-3, էջ 42)։ Կադմուխի անվամբ եղել է նաև “քաղաք Վերին (Հայոց) Միջագետքում, Տուր-Աբդին երկրամասում” (Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հ. II, Ե., 1998, էջ 876)։

¹⁹ Еремян С. Армения по „Ашхарацуйцу“, (Армянской географии VII века), Е., 1961, տե՛ս քարտեզը։ Մ.թ.ա. 1165 թ. 20 հազար մուշկեր իրենց առաջնորդների գլխավորությամբ ներխուժում են Ալզի և Պուրուլումզի երկրներ, իսկ 1115 թ.՝ Կադմուխի։ Ասորեստանի թագավոր Թիգլաթպալասար I-ի զորքերը հաղթում են նրանց։ Ասորեստանի արքան 6000 զերիների դարձնում է իր հպատակները։ Նույն տարածաշրջանում ասորեստանյան զորքերը հանդիպում են 4000 կասկերի (այլ համատեքստերում՝ արեշլայցիներ) և

Հայտնի է, որ խուռիների ցեղանունն է *hurr-*, որը “հանդես է գալիս այլնայլ ձևավորումներով, ինչպես *Hurri* կամ *Hurra* (*Hu-ur-ra*) քաղաքանուն, *Hurlasa* (*id*) *hurla* “խուռիտ”, *hurlili* “խուռերեն”, *H-u-ur-ra* (*xorra*) աստվածանուն, *Hurruhe umini* “խուռյան երկիր” և այլն”²⁰, մեկ այլ դիտարկմամբ՝ “...*hur-ri*(*hor-ri* “խոռիտ”(Աստվա-ծաշնչի *chor* “քորացի”, այսինքն խոռիտ, սուբարացի...”²¹:

Ժամանակին նշվել է, որ “Կրակի այրող բնութեան կից լուսափայլութիւնն այլ իհարկէ դրդող և մեծ դրդող էր պաշտաման”²²: Հայտնի է նաև, որ “կրակը կոչվել է ըստ արևի”²³: Հետաքրքիր է Վանի բարբառում պահպանված խուրնիկ, խուռնի խրեղէն (հուր-նիկ, հուրն ի հրեղէն) արտահայտությունը, որը մեկնաբանվում է որպես “շատ գեղեցիկ, իբր թէ հրեղեն էակ”²⁴ և բնութագրում է արևին: Ավելին, հուր բառը, որպես երկրաչափական մարմին, նշանակել է բրգաձև. “քանզի... հրոյ ձև է”²⁵: Այս կապակցությամբ հիշատակելի է, որ դեռևս հին թագավորության ժամանակաշրջանի Եգիպտոսում Արև-աստծո կենդանի նմանակ համարվող փարավոնների դամբարանները բրգաձև շինություններ էին²⁶: Հիշարժան է նաև Նեմրութի դամբարանաբլուրը, որն ունի “բուրգի ձև եւ բավականին բարդ կառուցվածք, դրանով իսկ համեմատելի է եգիպտական բուրգերի հետ: Երկու հուշարձաններն էլ նախ և առաջ նվիրված են եղել Արեւի աստվածներին”²⁷:

Hurr- էթնիկական անունն ըստ էության ընկալվում է որպես տեղական աստվածության անվանում (հմմտ. “*Hu -u-ur-ra* (*xorra*) աստվածությունը”)²⁸: Խուռա անվամբ եղել է քաղաք Հյուսիսային Միջագետքում (*uruHu-ur ra*), որը վկայվել է Ասորեստանի Ադադներարի I-ին (մ.թ.ա. 1279-1213 թթ.) թագավորի արձանագրության մեջ²⁹: Խուռան, ըստ երևույթին, համանուն քաղաքի հովանավոր աստվածն էր, ամենայն հավանականությամբ՝ արևային աստվածություն: Հայտնի է, որ Հին Արևելքի երկրներում պաշտամունքի հիմնական առարկան եղել է Արևը: Դեռևս հին թագավորության

ուրումեացիների, որոնք ընդունում են Ասորեստանի գերիշխանությունը [Дьяконов И.М. Ассирио-вавилонские источники по истории Урарту (Вестник древней истории, 1951, N 2)]:

²⁰ Ղափանցյան Գ., նշվ. աշխ., էջ 114:

²¹ Նույն տեղում, էջ 180:

²² Ալիշան Ղ., Հին հաւատք կամ հեթանոսական կրօնք հայոց, Վենետիկ, 1895, էջ 41:

²³ Март Н. Избранные работы, т. V, М.-Л., 1935, с. 231.

²⁴ Աճառյան Հր., Հայերեն արմատական բառարան, հ. III, Ե., 1977, էջ 126:

²⁵ Նույն տեղում:

²⁶ St u История древнего мира. Древний Восток, с. 74.

²⁷ Զախարյան Ա., Աբու Միմբելի և Նեմրութ լեռան հուշարձանախմբերը. համեմատական վերլուծություն (Գավառի պեղումախմբի գիտական հոդվածների ժողովածու, Ե., 2015, էջ 215):

²⁸ Ղափանցյան Գ., նշվ. աշխ., էջ 114: Հմմտ. պրո. xor- “արև” բառը (տե՛ս Աճառյան Հր., Հայերեն արմատական բառարան, հ. III, Ե., 1977, էջ 115):

²⁹ Ավետիսյան Հ., նշվ. աշխ., էջ 88:

Ժամանակաշրջանի Եգիպտոսում փարավոնները համարվել են արևի աստված “Ռա-ի որդիներ”³⁰: Միտանի պետությունում ևս թագավորի անձը աստվածացվել և համադրվել է Արև-աստծուն (հմմտ. պրս. խոռե բառը, որը նշանակում է արևային, աստվածափայլություն, աստվածային շնորհ՝ տրված թագավորներին և մարգարեներին)³¹: Ուշագրավ փաստ է, որ Միտանիի արքա Սաուշատարի կնիքի վրա (մ.թ.ա. 1450 թ.) պատկերված է արևի թևավոր սկավառակ, որի երկու կողմերում Արևի ու կրակի աստվածությունը խորհրդանշող արծիվներ են³²:

Ըստ վաղ ձևավորված մի տեսակետի՝ մ.թ.ա. 2300-2250 թթ. ընթացքում Էլամի Կուդուրնախունտե թագավորը, արշավանք ձեռնարկելով դեպի Քաղդեա, այնտեղ հիմնում է մի նոր թագավորական հարստություն: Նա իրենց բնակության վայրերից փտարում է երկու սեմական ցեղերի: Ասսուր աստծուն երկրպագող ցեղը շարժվում է դեպի հյուսիս և բնակություն հաստատում Տիգրիսի միջին հոսանքի շրջանում, որտեղ հիմնում է Ասսուր բնակավայրը, իսկ երկրորդը հաստատվում է Միջերկրականի ափերին և հայտնի դառնում փյունիկիացի անունով³³: Սակայն փյունիկիացի անվանումն ունի շատ հին ծագում: Հին եգիպտացիները դեռևս մ.թ.ա. III հազ. վերաբերող իրենց արձանագրություններում հիշատակում են ասիական ցեղերի, որոնց անվանում էին “փենեխ”, որից հույները կազմել են “փոյնիկս”, “փոյնիկես” (“կարմրագույն”, “թխագույն”)³⁴:

Պատմագիտության մեջ նկատվում է ասսուրական պետությունը աքքադական սեմական ցեղերից կազմավորված համարելու միտում³⁵: Մասնագետները չեն բացառում նաև, որ դրա ամբողջ բնակչությունը կամ ինչ-որ մասը եղել է ազգակից Հայկական լեռնաշխարհի ուրարտացիներին: Աշշուրի կառավարիչների անունների ուսումնասիրությունը հիմք է դարձել այն եզրակացության, թե խուռիերենը և աքքադերենը մինչև մ.թ.ա. II հազ. վերջը տարածված էին Աշշուրում և շրջակա բնակավայրերում³⁶: Սակայն “Աշշուրի առաջին կառավարիչների անունները գրեթե ամբողջովին պատկանում են “այսպես կոչված, “բանանային” և “սուբարեական” լեզուների ընդհանրությանը, ինչը կարող է հուշել Աշշուրի վաղ բնակչության էթնիկ կազմի մասին, որը սկզբնապես սեմախոս չէր...”³⁷: Ժամանակին նշվել է, որ “Ասորի

³⁰ История древнего мира. Древний Восток, с. 74.

³¹ Sê u Персидско-русский словарь, т. I, М., 1970, с. 581.

³² Գավուքյան Մ., նշվ. աշխ., էջ 190:

³³ Լեո, Երկերի ժողովածու, հ. I, Ե., 1966, էջ 37:

³⁴ Հին աշխարհի պատմություն, հ. I, Հին Արևելք, Ե., 1938, էջ 427:

³⁵ История древнего мира. Древний Восток, с. 377. Sê u նաև История древнего мира. Ранняя древность, М., 1983, с. 188.

³⁶ Всемирная история, т. I, с. 312-313.

³⁷ Հայաստանի հարակից երկրների պատմություն, հ. 1, հին շրջան, Ե., 2013, էջ 55: Ուրի III հարստության օրոք համակարգվեց ընդհանուր շումերական դիցարանը՝ նիպուրյան Էնլիլ աստծո

ժողովուրդն իր ծագումովը Ասորերեն խոսող մի ժողովուրդ չի եղել³⁸։ Նկատենք նաև, որ մարդաբանները «...շատ վաղուց արդեն պնդում են, թե Ասորի ցեղի մեջ շատ մեծ չափով Armenoid տարրը պետք է գտնվի»³⁹։

Ասորեստանը մեկուսացված աշխարհ էր՝ երկու կողմից շրջապատված լեռներով, իսկ արևմուտքից և հարավից բաց էր սեմական ժողովուրդների քաղաքական և քաղաքակրթական շարժման դիմաց։ Այդ պատճառով էլ այլ ցեղերի, լեզուների և մշակույթների պայքարի մեջ սեմականն առաջնություն ստացավ⁴⁰։

Աշշուր քաղաքը տեղադրված էր «Տիգրիսի հետ Մեծ Զաբի միախառնման վայրից քիչ հյուսիս՝ **Ջեբել Մախուլ** բլրաշարի ձևավորած եռանկյունաձև դարավանդի վրա՝ Տիգրիսի ձախ ափին»⁴¹։ Ուսումնասիրությունները ցույց են տալիս, որ **Աշշուր** բնակավայրի տեղում գտնվող քաղաքատեղիի հնագույն շերտերը վերաբերում են մ.թ.ա. III հազ. կեսերին⁴²։ Այդ քաղաքը վաղ ժամանակներում միջնորդ է Միջագետքի հյուսիսային շրջանների հետ շումերական քաղաքների առևտրում։ Այնտեղ հաստատվել էին բազմաթիվ վաճառականներ, որոնք իրենց հետ բերել էին շումերական մշակույթի տարրեր⁴³։ Շումերներն (ինքնանվանումն է «սևագլուխ ժողովուրդ»⁴⁴) այստեղ բերեցին սեպագրի գործածությունը, կրոնական հավատալիքները, արվեստի տեսակները, նոր բարքեր⁴⁵։ **Աշշուրի** բնակչության հիմքը բացահայտելու տեսանկյունից կարևորվում է քաղաքանվան ստուգաբանությունը։ Նշենք, որ տեղանվան առաջին բաղադրիչն է հ. -ե. as արմատը, որին հատկացվում են «օջախ», «գոհասեղան», «գոհարան» իմաստները⁴⁶։ Երկրորդ բաղադրիչը հ. -ե. Tor/Tur դիցանվան Sur տարբերակն է⁴⁷։ Այսինքն՝ քաղաքա-

զվիսավորությամբ։ Սակայն քիչ սեմական աստվածներ մտան դիցարան։ Դրանցից մեկն էր **Ադդուն** կամ **Ադադը**՝ փոթորկի աստվածը, որը նույնացվել է մինչշումերական **Իշկուր** աստծո հետ։ **Արև-աստվածը** շումերերենում և աքքադերենում հասարակ անունով կոչվում էր «արև»։ Նրան պաշտում էին **Միպպարում** և **Լարսում**։ Միպպարում նա նույնացվել է «բանանային լեզվի» մի աստվածության հետ։ Այդ լեզվին են պատկանում նրա կնոջ՝ **Այա** և որդու՝ **Բունեն** անունները (*История Древнего Востока. Зарождение древнейших классовых обществ и первые очаги рабовладельческой цивилизации, часть первая, Месопотамия, под ред. Дьяконова И. М., М., 1983, с. 280-281*).

³⁸ **Խաչատրյան Աստ.**, Հայաստանի սեպագրական շրջանի քննական պատմություն, Ե., 1933, էջ 78։

³⁹ Նույն տեղում։

⁴⁰ **Գիզալեան Գ.**, Պատմություն Մերձառոր Արևելքի եւ Հայաստանի, հ. Ա, Ե., 2016, էջ 271։

⁴¹ *История древнего мира. Древний Восток, с. 293*։

⁴² Նույն տեղում, էջ 312։ Տեսակետներից մեկի համաձայն՝ Հին Ասորեստանի բնակիչները եղել են **խուրիներ** (**Капанцян Г. Хайаса-колыбель армян, Е., 1947, с. 197**), մեկ այլ մոտեցմամբ՝ **սուբարիներ** (Հին աշխարհի պատմություն, հ. I, Հին Արևելք, Ե., 1938, էջ 229)։

⁴³ *История древнего мира. Древний Восток, с. 293*։

⁴⁴ Հայ ժողովրդի պատմության քրեստոմատիա, Ե., 2007, էջ 48, ծան. 6։

⁴⁵ **Գիզալեան Գ.**, նշվ. աշխ., էջ 270։

⁴⁶ **Համբարձումյան Վ.**, Հայերեն Աստված բառի ծագումն ու տիպաբանությունը, Ե., 2002, էջ 28։

⁴⁷ **Ղարազյոզյան Ա.**, Հայոց հնագույն պատմության հարցեր, Ե., 2015, էջ 29։

նունը նշանակել է “*Sur* աստծո օջախ կամ կացարան”։ Նկատենք նաև, որ *Խանիգալբատ* երկրում ևս (Հյուսիսային Միջագետք) գոյություն է ունեցել *Sura/Šura* անունով քաղաք, որը հիշատակվել է Ասորեստանի թագավոր **Ադադներարի I-ի** արձանագրության մեջ և տեղորոշվում է Միդիատից հյուսիս-արևմուտք⁴⁸։

Հետևաբար, կարելի է արձանագրել, որ ապագա ասորեստանյան տերության կենտրոն հանդիսացող **Ասսուր** կամ **Աշշուր** քաղաքը, որի առաջին բնակիչներն ունեցել են հ.-ե. ծագում, ձևավորվել է *Sur* աստծուն նվիրված պաշտամունքային կենտրոնի շուրջ։ Նկատենք նաև, որ ասսուրների սուրաի⁴⁹ ինքնանվանման մեջ առկա է նույն **Սուր** դիցանունը։ **Աշշուր** աստծո պաշտամունքը հարատևել է համանուն քաղաքում մինչև մ.թ.ա. II-III դդ.⁵⁰։ Ամենայն հավանականությամբ, պատմական **Ասորիք**, ինչպես նաև նրա **Սուրիա** անվանումները նույնպես ծագում են հիշյալ դիցանունից⁵¹։ Հիշատակելի է, որ Վանի թագավորության **Տուրուշպա** (**Տուշպա**) մայրաքաղաքի անվան մեջ առկա է նույն *Tor/Tur* դիցանունը⁵²։

Ասուրերենը սեմական լեզու է, համարվում է աքքադերենի բարբառներից մեկը, որն անցել է զարգացման երեք շրջան՝ հին (մ.թ.ա. XX դ. սկիզբ -XVII դ. կես), միջին (մ.թ.ա. II հազ. երկրորդ կես) և նոր (մ.թ.ա. X-VII դդ.)։ Հին շրջանի վերջում այն դարձել է առանձին լեզու։ Նոր շրջանում դուրս է մղվել **բաբելերենի** կողմից, կրել **արամեերենի** ազդեցությունը և դադարել գործածվել որպես հաղորդակցության միջոց⁵³։ Սակայն այս հանգամանքը չի կարող որոշիչ լինել **ասսուրների** հնդեվրոպական ծագումը ժխտելու համար։ Ակնհայտ է, որ նրանք վերջնականապես սեմախոս են դարձել մ.թ.ա. XX դ., սեմական ծագում ունեցող էթնիկ խմբերի գերակայության պայմաններում։ Հետևաբար, անհիմն է այն տեսակետը, ըստ որի, ասորեստանյան պետությունը ձևավորվել է Առաջավոր Ասիայում բնակվող սեմական ցեղերից։

⁴⁸ Ավետիսյան Հ., նշվ. աշխ., էջ 86, Арутюнян Н.В. Топонимика Урарту, Е., 1985, с. 220-221.

⁴⁹ *Še u* Большая советская энциклопедия, т. III, второе издание, М., 1950, с. 263.

⁵⁰ *Še u* Հայաստանի հարակից երկրների պատմություն, էջ 97:

⁵¹ Հիշատակելի է, որ “երբեմնի տերության Անդրեփրատյան երկրամասին աքեմենյան դարաշրջանում տրված “Ասորեստան” անվանումը հարատևեց դպրության տարբեր կենտրոններում և արամեերենի միջնորդությամբ անցավ հունարենին, որպես “Միրիոս” կամ “Միրոս”, որից և Միրիան՝ “Ասորիք”։ Սակայն այս անվանումները դեռևս կիրառվում էին համազոր նշանակությամբ” (Հայաստանի հարակից երկրների պատմություն, էջ 54):

⁵² Ղարազդուղյան Ա., Պատմաաշխարհագրական ուսումնասիրություններ, Ե., 2015, էջ 5-6:

⁵³ Հայկական Սովետական Հանրագիտարան, հ. I, Ե., 1974, էջ 598:

ОБ ЭТИМОЛОГИИ ДРЕВНЕЙШИХ ЭТНИЧЕСКИХ НАЗВАНИЙ МЕСОПОТАМИИ**КАРАГЕЗЯН А. А.**

Резюме

Субары, хурриты и ассиры сыграли огромную роль в истории Месопотамии. На шумерском языке слово Su-bir₄/ Subar означало “страна на берегу воды”. Этническое название было обусловлено географическим фактором. Под этим названием подразумевались все этнические группы, живущие в Месопотамии, а в узком смысле – жители края Кадмухи.

Племенное название хурритов–hurri изначально являлось названием солнечного божества. Город-государство Ашшур или Ассур был сформирован вокруг культового центра, посвященного богу Сур (Tor или Tur).

В эндоэтнониме “сурай” ассиуров также наличествует имя бога Сур. Ассиры окончательно стали семитоязычными в XX веке до н.э. в силу преобладания этнических групп семитского происхождения.

ON ETYMOLOGY OF ANCIENT ETHNIC NAMES OF MESOPOTAMIA**A. GHARAGYOZYAN**

Abstract

The Subaris, Hurri, Assurs played important role in the history of Mesopotamia. Su-bir₄/Subar meant “a country on the beach of water” in Sumerian. Ethnic name was conditioned by geographical factor. All ethnic groups who lived in Mesopotamia were perceived under that name; in the narrow sense – inhabitants of Kadmuhi. Genealogical name of the Hurri was hurri, which initially was the name of Solar divine.

City-state of Ashur or Assur was formed around hieratic center devoted to the God Sur (Tor or Tur). The endonym “surai” of the Assurs has the same name of God Sur. The Assurs finally became semitic-speaking in XX century B.C. as a result of prevalence of ethnic group of semitic origin.